

Na osnovu člana 16. stav 4. Zakona o Vladi Zeničko-dobojskog kantona – Prečišćen tekst („Službene novine Zeničko-dobojskog kantona“, broj: 7/10 i 3/23), člana 29. stav (6) i člana 30. stav (3) Zakona o budžetima u Federaciji BiH („Službene novine Federacije BiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25), člana 2. stav (4) i člana 6. stav (3) tačke b) Uredbe o načinu i kriterijima za pripremu, izradu i praćenje realizacije programa javnih investicija („Službene novine Federacije BiH“, broj: 106/14, 27/19, 104/22 i 17/24) i člana 1. Odluke o određivanju nadležnog kantonalnog organa za pripremu Programa javnih investicija Zeničko-dobojskog-kantona („Službene novine Zeničko-dobojskog kantona“, broj: 20/19), na prijedlog Ministarstva finansija, Vlada Zeničko-dobojskog kantona, na 100. sjednici, održanoj 10.10.2025. godine, d o n o s i

ZAKLJUČAK

I

Donosi se Program javnih investicija Zeničko-dobojskog kantona za period 2026. – 2028. godine i čini sastavni dio ovog zaključka.

II

Zadužuje se Ministarstvo finansija Zeničko-dobojskog kantona da Program javnih investicija Zeničko-dobojskog kantona za period 2026.–2028. godine, dostavi Federalnom ministarstvu finansija.

III

Zaključak stupa na snagu danom donošenja.

Broj: 02-11-18362 /25
Datum, 10.10.2025. godine
Zenica

DOSTAVLJENO:

- 1x Ministarstvo finansija,
- 1x Federalno ministarstvu finansija,
- putem Ministarstva,
- 1x a/a.



PREMIJER

Nerir Dvijić

PROGRAM
JAVNIH INVESTICIJA ZENIČKO-DOBOJSKOG KANTONA
ZA PERIOD 2026. - 2028. GODINE

Oktobar, 2025. godine

UVOD

Program javnih investicija je trogodišnji dokument koji sadrži pregled ulaganja u projekte sa podacima o ukupno potrebnim i utrošenim sredstvima, te sredstvima planiranim za finansiranje projekata iz budžeta, kredita, donacija i/ili drugih izvora.

Program javnih investicija obuhvata projektne ideje i projekte koji direktno doprinose socijalnom ili ekonomskom razvoju i projekte razvoja administrativno-tehničkih kapaciteta koji nemaju direktan utjecaj na socioekonomski razvoj.

Program javnih investicija sadrži podatke o projektima po sektorima i podnosiocima prijedloga projekata, po izvorima, vrsti i načinu finansiranja u trogodišnjem periodu prema principu 1+2, po lokacijama na kojima se investicije realizuju i podatke o realizaciji projekata po ciljevima utvrđenim strateškim okvirom.

Program javnih investicija obuhvata:

- a) Strateški relevantne projektne ideje, odnosno projektne ideje kojima je dodijeljeno minimalno 50% bodova u okviru ocjene strateške relevantnosti,
- b) projekte za koje nisu osigurani izvori finansiranja u momentu izrade programa javnih investicija (u daljem tekstu: kandidovani projekti) kojima je dodijeljeno:
 - minimalno 50% bodova u okviru ocjene strateške relevantnosti,
 - minimalno 70% bodova u okviru ocjene ekonomske opravdanosti i finansijske održivosti,
- c) projekte za čije finansiranje je pokrenut proces osiguranja sredstava (u daljem tekstu: odobreni projekti),
- d) projekte za čije finansiranje su, djelimično ili u potpunosti, osigurana sredstva postala efektivna i njihova realizacija je u toku (u daljem tekstu: projekti u implementaciji).

Svrha donošenja Programa javnih investicija Zeničko-dobojskog kantona (u daljem tekstu: PJI Zeničko-dobojskog kantona) je da posluži Vladi Zeničko-dobojskog kantona kao osnov za bolje planiranje i upravljanje sredstvima razvoja.

Dugoročni cilj je povezivanje PJI Zeničko-dobojskog kantona sa procesom strateškog planiranja i budžetiranja.

Projekti i projektne ideje uključeni u PJI stavljaju se u funkciju ostvarivanja sektorskih politika i strateških ciljeva definiranih u okviru nadležnosti Vlade Zeničko-dobojskog kantona planiranjem kroz proces izrade Dokumenta okvirnog budžeta, te mobilizacijom i korištenjem sredstava za njihovu realizaciju.

Obzirom da raspoloživa sredstva nisu uvijek dovoljna za višegodišnje finansiranje projekata, PJI Zeničko-dobojskog kantona kao instrument planiranja, pomaže u boljem planiranju i korištenju sredstava, te stvara pretpostavke za pristup stranim izvorima finansiranja.

Kako se PJI Zeničko-dobojskog kantona, pored kandidovanih prioritetnih projekata sastoji i od projekata u implementaciji i odobrenih projekata i strateški relevantnih projektnih ideja, PJI Zeničko-dobojskog kantona služi i kao osnova za analizu javnih investicija.

Kao takav PJI Zeničko-dobojskog kantona, za Vladu Zeničko-dobojskog kantona treba postati sredstvo za upravljanje razvojem i podizanje efikasnosti javnih investicija u Zeničko-dobojskom kantonu, te osnova za planiranje ulaganja i donošenja investicionih odluka.

Članom 2. stav (4) Uredbe o načinu i kriterijima za pripremu, izradu i praćenje realizacije programa javnih investicija („Službene novine Federacije BiH“, broj: 106/14, 27/19, 104/22 i 17/24), propisano je da Vlada Kantona, na prijedlog Nadležnog kantonalnog organa, kojeg odredi vlada kantona, donosi PJI kantona, u koji su uključeni projekti gradova i općina.

Kantoni, putem Nadležnog kantonalnog organa, dostavljaju Federalnom ministarstvu finansija PJI kantona, nakon što ga donese Vlada Kantona.

U skladu sa predmetnom Uredbom, nosioci aktivnosti u procesu izrade programa javnih investicija kantona su: Vlada Kantona, nadležni kantonalni organ, Komisija za PJI kantona, kantonalni organi uprave (kantonalna ministarstva i kantonalne uprave), jedinice lokalne samouprave (gradovi i općine), agencije, samostalne upravne organizacije, specijalizirane organizacije i posebna tijela (zavodi, direkcije, agencije, instituti i sl., u daljem tekstu: agencija) i javna preduzeća.

Ministarstvo finansija Zeničko-dobojskog kantona, na osnovu podataka o projektima unesenim u PIMIS (Public Investment Management Information System) je pripremio PJI Zeničko-dobojskog kantona, u skladu sa Odlukom Vlade Zeničko-dobojskog kantona o određivanju Ministarstva finansija Zeničko-dobojskog kantona, kao nadležnog kantonalnog organa za pripremu Programa javnih investicija Zeničko-dobojskog kantona („Službene novine Zeničko-dobojskog kantona“, broj: 20/19).

PIMIS je Informacioni sistem za upravljanje javnim investicijama uspostavljen pri Federalnom ministarstvu finansija, a omogućava on-line pristup za planiranje i praćenje realizacije projekata unosom informacija o projektima (IP obrasci).

Kantonalni organi uprave i upravne organizacije, jedinice lokalne samouprave, agencije i javna preduzeća dužni su, u skladu sa Uredbom, osigurati tehničke preduslove za on-line pristup PIMIS-u i iz reda zaposlenika imenovati osobu ovlaštenu za unos podataka o projektima (Kordinator).

Kanton je obavezan osigurati tehničke preduslove najmanje na jednoj lokaciji za on-line pristup PIMIS-u i iz reda zaposlenika imenovati osobu ovlaštenu za unos podataka o kantonalnim, gradskim i općinskim projektima u PIMIS (Kantonalni kordinator).

Rješenjem Vlade Zeničko-dobojskog kantona o imenovanju Kantonalnog kordinatora za unos podataka o projektima u PIMIS („Službene novine Zeničko-dobojskog kantona“, broj: 10/23), dana 15.06.2023. godine, Jasmina Ramadan, zaposlenica Ministarstva za privredu Zeničko-dobojskog kantona je imenovana za Kantonalnog kordinatora.

Unos podataka u PIMIS vrši se kroz elektronski IP obrazac (Informacije o projektu), koji je identičan za sve nivoe vlasti u Federaciji BiH. Podatke o projektu u PIMIS unosi Kordinator, odnosno Kantonalni kordinator i na taj način se vrši kandidiranje projekata i ažuriranje podataka o projektima u implementaciji.

Procedura za pripremu PJI kantona počinje slanjem dopisa sa zahtjevom za popunjavanje IP obrasca koji

Nadležni kantonalni organ do 10. februara dostavlja kantonalnim organima uprave, kantonalnim agencijama, gradovima, općinama i JP u nadležnosti vlade kantona, odnosno jedinice lokalne samouprave.

Nakon unosa u PIMIS, Kantonalni koordinator, popunjene, te od odgovorne osobe podnosioca prijedloga ovjerene i potpisane IP obrasce za projekte i projektne ideje koje kandiduje u PJI Zeničko-dobojskog kantona, dostavlja Kantonalnom ministarstvu finansija do 1. marta.

Kantonalni koordinator dostavlja nadležnom kantonalnom organu popunjene i ovjerene IP obrasce za kantonalne projekte čija je ukupna vrijednost veća od 500.000 KM, odnosno za gradske i općinske projekte čija je ukupna vrijednost veća od 100.000 KM.

Komisija za Program javnih investicija Zeničko-dobojskog kantona, imenovana je Rješenjem Vlade Zeničko-dobojskog kantona o imenovanju Komisije za program javnih investicija Zeničko-dobojskog kantona („Službene novine Zeničko-dobojskog kantona“, broj: 10/23).

Komisija za Program javnih investicija Zeničko-dobojskog kantona je svoj rad obavljala kontinuirano, održavanjem sjednica izvan redovnog radnog vremena.

Za rad sjednica uvijek je postojao kvorum za donošenje odgovarajućih odluka.

Putem nadležnog kantonalnog organa ostvarivana je komunikacija sa Kantonalnim koordinatorom radi praćenja toka unosa podataka u PIMIS bazu, kao i prikupljanja relevantne dokumentacije u skladu sa članom 12. Uredbe, od podnosilaca prijedloga projekata.

Vlada Federacije je krajem februara 2024. godine donijela Uredbu o izmjenama i dopunama Uredbe o načinu i kriterijima za pripremu, izradu i praćenje realizacije programa javnih investicija („Službene novine Federacija BiH“, broj: 17/24). Između ostalog, došlo je i do izmjene Obrasca za ocjenu projekata.

S tim u vezi, u skladu sa gore navedenim propisima, postupak za ocjenu predloženih projekata i projektnih ideja za PJI-a je sljedeći:

Kriteriji za ocjenu projekta

Projekti se ocjenjuju u sljedećim kategorijama s pripadajućim kriterijima:

- I. Strateška relevantnost – ocjenjuje se putem 10 kriterija. Ocjenjuju se kandidovane projektne ideje i kandidovani projektni prijedlozi/projekti. Maksimalan broj bodova je 100.
- II. Ekonomska opravdanost i finansijska održivost projekta - ocjenjuje se putem 3 kriterija. Ocjenjuju se kandidovani projektni prijedlozi/projekti. Maksimalan broj bodova je 50.
- III. Pripremljenost projekta i spremnost implementatora – ocjenjuje se putem 3 kriterija. Ocjenjuju se kandidovani Projektni prijedlozi/projekti. Maksimalan broj bodova je 50.

Projektne ideje se ocjenjuju samo sa aspekta kriterija strateške relevantnosti.

Projektni prijedlozi/projekti se ocjenjuju u sve tri kategorije: strateška relevantnost, ekonomska opravdanost i finansijska održivost projekta i pripremljenost projekta i spremnost implementatora.

Kriteriji za uvrštavanje u Program javnih investicija

Kada su u pitanju kandidovane projektne ideje i kandidovani projektni prijedlozi/projekti, shodno Uredbi, Program javnih investicija obuhvata:

- Strateški relevantne projektne ideje, odnosno projektne ideje kojima je dodijeljeno minimalno 50% bodova u okviru ocjene strateške relevantnosti.

- Projektne prijedloge/projekte za koje nisu osigurani izvori finansiranja u momentu izrade Programa javnih investicija, a kojima je dodijeljeno:

- a) Minimalno 50% bodova u okviru strateške relevantnosti,

- b) Minimalno 70% bodova u okviru ocjene ekonomske opravdanosti i finansijske održivosti.

Projektne ideje se ocjenjuju samo sa aspekta kriterija strateške relevantnosti. Projektne ideje koje su ocijenjene kao strateški relevantne će kao takve biti kandidovane kroz Nacrt Programa javnih investicija te će se samim tim moći uključiti u aktuelni ciklus planiranja budžeta kroz popunjavanje Instrukcije br. 2 za budžetske korisnike u cilju ishodovanja budžetskih sredstava za potrebe izrade projektne dokumentacije te ostalih pripremnih aktivnosti **kako bi projekat u svojstvu Projektanog prijedloga bio spreman za sljedeću fazu kandidovanja kroz PIMIS sistem te konačnu ocjenu sa aspekta primjene ostala dva ključna kriterija ocjene, tj. kriterija Ekonomske opravdanosti i finansijske održivosti projekta i kriterija Pripremljenosti projekta i spremnosti implementatora za realizaciju projekta. Samo za strateški relevantne projektne ideje opravdano je pristupiti izradi projektne dokumentacije.**

Strateški relevantan, te ekonomski opravdan i finansijski održiv Projektni prijedlog/projekat može biti uvršten u Program javnih investicija.

Pripremljenosti projekta i spremnosti implementatora

Pripremljenost projekta i spremnost implementatora za realizaciju projekta se ocjenjuje i projekti se rangiraju prema ostvarenom broju bodova, bez minimalne vrijednosti. Implementacija projekta zavisi od njegove zrelosti i spremnosti implementatora.

Minimalno potrebna dokumentacija za projektne ideje, prema Uredbi je: 1. Prijedlog projekta/Projektan ideja/Idejni koncept.

Prema Uredbi, minimalno potrebna dokumentacija za projektne prijedloge/projekte se definira u zavisnosti od ukupne vrijednosti projekta.

Proces ocjene

Ocjenjivanje projekata vrši se u skladu s kriterijima koji su utvrđeni u Obrascu za ocjenu projekta. Aplikant unosi podatke o projektu u Obrazac za ocjenu projekta, sa traženim obrazloženjima. Uputstvo za popunjavanje Obrasca za ocjenu projekta sadrži detaljne smjernice, napomene i preporuke za unos podataka o projektima.

Projekti se ocjenjuju sa aspekta: (1) strateške relevantnosti, (2) ekonomske opravdanosti i finansijske održivosti projekta i (3) pripremljenosti projekta i spremnosti implementatora, s tim da svaka kategorija sadrži više kriterija za ocjenu, sa definiranim maksimalnim brojem bodova. Minimalni broj bodova za svaki kriterij je nula (0).

Cilj vrednovanja projekata putem kriterija za ocjenu projekta je osigurati da se u Program javnih investicija uvrstavaju strateški relevantni, ekonomski opravdani i finansijski održivi projekti, kao i strateški relevantne projektne ideje.

Kriteriji za pripremljenost projekta i spremnost implementatora omogućavaju da se procjeni stepen tehničke zrelosti projekta s ciljem unaprjeđenja planiranja, adekvatnog upravljanja izvorima finansiranja i projektnim aktivnostima. Projekti se rangiraju prema ukupnom broju bodova, s tim da za ovaj aspekt ocjene projekta nema minimalnog broja bodova.

Rezultat ocjene je rangiranje projekata od većeg broja bodova ka nižem, prema:

- I. strateškoj relevantnosti projektne ideje,
- II. strateškoj relevantnosti, ekonomskoj opravdanosti i finansijskoj održivosti projekta,
- III. tehničkoj zrelosti projekta.

Rangiranja I. i II. se koriste za uvrštavanje projekata i projektnih ideja u Program javnih investicija, a rangiranje III. za unaprjeđenje planiranja i bolje upravljanje javnim investicijama.

Shodno bodovanju, Program javnih investicija obuhvata:

- strateški relevantne projektne ideje kojima je dodijeljeno minimalno 50 bodova u okviru ocjene strateške relevantnosti,
- strateški relevantne projekte kojima je dodijeljeno minimalno 50% bodova u okviru ocjene strateške relevantnosti i ekonomski opravdane i finansijski održive projekte kojima je dodijeljeno minimalno 70% bodova u okviru ocjene ekonomske opravdanosti i finansijske održivosti, kumulativno.

Projektne ideje i projekti koji ostvare manje od minimalnog broja bodova neophodnog za uvrštavanje u Program javnih investicija, se vraćaju. **Projekti mogu biti dopunjeni i ponovno kandidovani kroz PIMIS, nakon čega će biti ponovno ocijenjeni.**

Tehnička zrelost projekta se iskazuje kroz prosječan broj bodova, bez minimalnog praga, a rangiranje služi da unaprjeđenje planiranja i efikasnije upravljanje javnim investicijama.

Nakon dostavljanja određenog broja projekata i projektnih ideja, konstatovano je da za veći dio projekata, dostavljenih od strane ovlaštenih predlagača nadležnih za dostavu prijedloga projekata, nije dostavljena sva potrebna dokumentacija, da je za jedan dio projekata dokumentacija dostavljena dijelimično, a da je za samo za **jedanaest projekata i projektnih ideja** dostavljena potrebna dokumentacija propisana članom 9. i 12. Uredbe o načinu i kriterijima za pripremu, izradu i praćenje realizacije programa javnih investicija.

Dakle, Komisija za Program javnih investicija Zeničko-dobojskog kantona je izvršila detaljnu analizu dostavljenih IP obrazaca i Obrazaca za ocjenu za ukupno jedanaest projekata i projektnih ideja predloženih za PJI 2026.-2028. godine, za koje je utvrđeno da sadrže svu potrebnu dokumentaciju predviđenu za ocjenjivanje, odnosno koji ispunjavaju uslove za ocjenjivanje u skladu sa Uredbom o načinu i kriterijima za pripremu, izradu i praćenje realizacije programa javnih investicija.

S obzirom na značajne novine u Obrascu za ocjenu, većina predlagača nije obrasce za ocjenu popunila na način propisan izmjenama i dopunama Uredbe i u roku propisanom Uredbom, tako da se iz navedenog razloga nije mogao ispoštovati kalendar donošenja nacрта PJI-a.

Komisija je pristupila analizi i ocjeni prijedloga projekata i projektnih ideja kandidovanih za PJI Zeničko-dobojskog kantona za 2026-2028. godinu.

Tom prilikom je izvršeno ocjenjivanje slijedećih projekata:

- Izgradnja infrastrukture u poslovno rekreativno turističkoj zoni - Zenica Jug, Zenica,
- Izgradnja zatvorenog olimpijskog bazena sa Aquaparkom, Zenica,
- Rekonstrukcija sistema grijanja u centralnom objektu JU Dom zdravlja sa stacionarom Olovo.

Naime, jedino ovi predloženi projekti su ispunjavali uvjete za ocjenu propisane Uredbe o načinu i kriterijima za pripremu, izradu i praćenje realizacije programa javnih investicija ("Službene novine Federacije BiH", broj: 106/14, 27/19, 104/22 i 17/24).

S obzirom da u dijelu kriterija za ocjenu "Ekonomska opravdanost i finansijska održivost" i „Pripremljenost projekta i spremnost implementatora“, kod pojedinih projekata nisu date sve potrebne informacije o projektu ili projekat nije dobio potreban broj bodova (minimalno 70% bodova u okviru ocjene ekonomske opravdanosti i finansijske održivosti), isti su u skladu sa Uredbom ocijenjivani po osnovu kriterija za ocjenu „Strateška relevantnost“, kao projektne ideje.

Nakon izvršene ocjene utvrđeno je da je za slijedeće projektne ideje dodijeljeno minimalno 50% bodova u okviru kriterija za ocjenu strateške relevantnosti:

- Zatvaranje gradske deponije komunalnog otpada "Ekonomija - Batvice" i njeno prilagođavanje regionalnom konceptu odlaganja otpada, Zavidovići,
- Toplifikacija Grada Zavidovići, Zavidovići,
- Rekonstrukcija magistralnog cjevovoda gradskog vodovoda i izgradnja filterskog postrojenja, Zavidovići,
- Izgradnja sportske dvorane u naselju Mahala, Breza,
- Utopljavanje Uprave i Hitne medicinske pomoći sa specijalističkim dijelom (sprat) u JU "Dom zdravlja", Zavidovići,
- Unutrašnje uređenje kružnog saobraćajnog toka unutar Doma zdravlja Zavidovići, Zavidovići,
- Sanacija Ambulante porodične medicine Vozuća, Zavidovići,
- Izgradnja solarne fotonaponske elektrane Dom zdravlja Zavidovići za vlastitu potrošnju, Zavidovići.

Nakon toga, Komisija je dostavila Ministarstvu finansija rang listu projekata i projektnih ideja predloženih za PJI Zeničko-dobojskog kantona za period 2026. - 2028. godine i dala Ministarstvu finansija, kao Nadležnom kantonalnom organu, preporuku za uvrštavanje ocijenjenih projektnih ideja u Program javnih investicija Zeničko-dobojskog kantona za 2026-2028. godinu.

Ostali projekti i projektne ideje predloženi od strane drugih predlagača za Program javnih investicija Zeničko-dobojskog kantona za 2026-2028. godinu, nisu ocjenjivani od strane Komisije za Program javnih investicija Zeničko-dobojskog kantona iz razloga što isti nisu ispunjavali sve uvjete propisane članom 9. i 12. Uredbe o načinu i kriterijima za pripremu, izradu i praćenje realizacije programa javnih investicija ili su ocijenjeni ali nisu dobili potreban broj bodova.

S obzirom na navedeno, Ministarstvo finansija Zeničko-dobojskog kantona je utvrdilo Program javnih investicija Zeničko-dobojskog kantona za period 2026. - 2028. godine i isti se dostavlja Vladi Kantona na donošenje.

Članom 29. stav (6) Zakona o budžetima u Federaciji BiH („Službene novine Federacije BiH“, broj: 102/13, 9/14-isp., 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25), propisano je: „Kantoni donose svoj program javnih investicija u koji su uključeni i projekti općina i gradova.“

Članom 30. stav (3) Zakona o budžetima u Federaciji BiH, propisano je da kantoni dostavljaju Ministarstvu finansija program javnih investicija nakon što ga donese vlada kantona do 5. oktobra.

Članom 2. stav (4) Uredbe o načinu i kriterijima za pripremu, izradu i praćenje realizacije programa javnih investicija, propisano je da Vlada Kantona, na prijedlog Nadležnog kantonalnog organa, donosi PJI kantona.

Članom 6. stav (3), tačka a) Uredbe o načinu i kriterijima za pripremu, izradu i praćenje realizacije programa javnih investicija, propisano je da Kantoni, putem Nadležnog kantonalnog organa, dostavljaju do 5. oktobra, a nakon što ga donese vlada kantona, PJI kantona Federalnom ministarstvu finansija.

Program javnih investicija Zeničko-dobojskog kantona 2026.- 2028. godinu je izvršen u roku utvrđenom gore navedenim odredbama.

Napominjemo, da bi projekat bio kandidovan u PJI uz kriterij kvalitete mora zadovoljiti i kriterij minimalne vrijednosti.

Minimalna ukupna vrijednost projekta koji se kandiduje u PJI Federacije je 2.000.000,00 KM. Ukupna vrijednost projekta definiranog na kantonalnom nivou koji se kandiduje u PJI kantona mora iznositi najmanje 500.000,00 KM, dok minimalna ukupna vrijednost projekta definiranog na gradskom ili općinskom nivou koji se kandiduje u PJI kantona je 100.000,00 KM.

Budžetskim sredstvima ili zaduživanjem može se finansirati samo onaj projekt koji je uvršten u PJI uz izuzetak projekata koji služe ublažavanju posljedica izazvanih nastankom vanrednih i nepredvidivih događaja (elementarne nepogode, vanjski šokovi ili krize).

Uvrštavanje pojedinih projekata u Program javnih investicija Zeničko-dobojskog kantona ne

predstavlja garanciju i za dodjelu sredstava iz Budžeta Zeničko-dobojskog kantona.

Program javnih investicija se priprema i donosi svake godine prema kalendaru utvrđenom Zakonom o Budžetima u Federaciji BiH i Uredbom o načinu i kriterijima za pripremu, izradu i praćenje realizacije programa javnih investicija

Svi potpuni projektni prijedlozi koji zadovoljavaju minimalne kvalifikacijske kriterije prolaze postupak bodovanja i rangiranja koje vrši Komisija i uključuju se u PJI Zeničko-dobojskog kantona.

Ministarstvo finansija priprema PJI Zeničko-dobojskog kantona i dostavlja ga Vladi Kantona.

Članom 12. Uredbe propisano je da je za projekat kandidovan u Program javnih investicija za koji je potrebno finansiranje budžetskim sredstvima, zaduživanjem ili izdavanjem garancije Federacije, kantona, grada ili općine, podnosilac prijedloga, uz IP obrazac, obavezan je priložiti relevantnu dokumentaciju.

S tim u vezi, projektni prijedlozi uneseni u PIMIS sistem za koje nije dostavljena relevantna prateća dokumentacija nisu bili predmet ocjenjivanja od strane Komisije.

U PJI Zeničko-dobojskog kantona 2026.- 2028. godinu su uključeni projekti i projektne ideje za koje su Ministarstvu za finansija od strane Kantonalnog koordinатора dostavljeni popunjeni propisani IP obrasci i koje je Komisija ocijenila, te su dobili potreban broj bodova.

Projekti u implementaciji finansiraju se domaćim i ino sredstvima.

Domaća sredstva su budžetska sredstva namijenjena za finansiranje javnih investicija i sufinansiranje projekata finansiranih iz kredita i donacija, sredstva institucija BiH, Federacije BiH, kantona, gradova, općina, javnih preduzeća, fondova, domaćih banaka i krajnjih korisnika za finansiranje/sufinansiranje projekata.

Ino sredstva su krediti ili donacije međunarodnih finansijskih institucija (Svjetska banka, Međunarodna banka za obnovu i razvoj, Evropska investiciona banka, Evropska banka za obnovu i razvoj, Razvojna banka Vijeća Evrope, Međunarodni fond za poljoprivredni razvoj), Evropske komisije, vlada pojedinih zemalja, te bilateralnih i drugih donatora.

Sastavni dio Programa javnih investicija su slijedeće tabele:

Prilog 1: Lista ocijenjenih investicijskih projektnih ideja predloženih za PJI za period 2026-2028. godinu, kojima je dodijeljeno minimalno 50% bodova u okviru ocjene strateške relevantnosti, sa grafikonom,

Prilog 2: Lista ocijenjenih investicijskih projekata predloženih za PJI za period 2026-2028. godinu kojima je dodijeljeno minimalno 50% bodova u okviru ocjene strateške relevantnosti, sa grafikonom,

Prilog 3: Lista ocijenjenih investicijskih projekata predloženih za PJI za period 2026-2028. godinu kojima je dodijeljeno minimalno 70% bodova u okviru ocjene ekonomske opravdanosti i finansijske održivosti projekta, sa grafikonom,

Prilog 4: Lista ocijenjenih investicijskih projekata predloženih za PJI za period 2026-2028. godinu, koji su ocijenjeni u okviru ocjene pripremljenosti projekta i spremnosti implementatora, sa grafikonom.

Broj: 02-11-18362 /25
Datum, 10.10.2025. godine
Zenica

DOSTAVLJENO:

1x Ministarstvo finansija,
1x Federalno ministarstvu finansija,
putem Ministarstva,
1x a/a.




PREMIJER
Nedžad Pivić

Prilog 1: Lista ocijenjenih investicijskih projektnih ideja predloženih za PJI za period 2026-2028. godinu, kojima je dodijeljeno minimalno 50% bodova u okviru ocjene strateške relevantnosti

Red. broj	Naziv projekta/programa	Broj projekta	Podnositelj i kontakt osoba podnositelja	Vrsta i tip projekta/programa	Status projekta/programa	Trajanje projekta/programa	Ukupni troškovi projekta/programa	Klasifikacija projekta po DAC i COFOG nomenklaturi	Lokacija projekta/programa	Ocjena komisije
1	2	3	4	5	6	7	8	9	10	11
1	Utopljavanje Uprave i Hitne medicinske pomoći sa specijalističkim dijelom (sprat) u JU "Dom zdravlja", Zavidovići		JU "Dom zdravlja" Zavidovići/Amir Tursić	Kapitalne investicije	Kandidovan	12 mjeseci	287.911,26	DAC 122 - Osnovno zdravstvo, 12230 - Osnovna zdravstvena infrastruktura / COFOG 07 - Zdravstvo; 076 - Zdravstvo neklasifikovano	Zavidovići	83
2	Sanacija Ambulante porodične medicine Vozuća, Zavidovići		JU "Dom zdravlja" Zavidovići/Amir Tursić	Kapitalne investicije	Kandidovan	12 mjeseci	222.599,52	DAC 122 - Osnovno zdravstvo, 12230 - Osnovna zdravstvena infrastruktura / COFOG 07 - Zdravstvo; 076 - Zdravstvo neklasifikovano	Zavidovići	83
3	Izgradnja solarne fotonaponske elektrane Dom zdravlja Zavidovići za vlastitu potrošnju, Zavidovići		JU "Dom zdravlja" Zavidovići/Amir Tursić	Kapitalne investicije	Kandidovan	12 mjeseci	395.460,00	DAC 122 - Osnovno zdravstvo, 12230 - Osnovna zdravstvena infrastruktura; / COFOG 07 - Zdravstvo, 076 - Zdravstvo neklasifikovano	Zavidovići	78

4	Izgradnja sportske dvorane u naselju Mahala, Breza		Općina Breza/Salih Hasanspahić	Kapitalne investicije	Kandidovan	18 mjeseca	4.381.721,85	DAC 998 - Nespecificirano; 99810 - Slučajevi kada nisu specificirani sektori; / COFOG 08 - Rekreatija, kultura i religija; 081 - Usluge sporta i rekreacije, 0810 - Usluge sporta i rekreacije	Breza	69
5	Rekonstrukcija magistralnog cjevovoda gradskog vodovoda i izgradnja filterskog postrojenja, Zavidovići		Grad Zavidovići/Almir Mustafić	Kapitalne investicije	Kandidovan	36 mjeseci	11.000.000,00	DAC 140 - Vodosnabdijevanje i sanitacija, 14020 - Vodosnabdijevanje i sanitacija-veliki sistemi/ COFOG 06 - Stambeni i zajednički poslovi; 063 - Vodosnabdijevanje	Zavidovići	59
6	Zatvaranje gradske deponije komunalnog otpada "Ekonomija - Batvice" i njeno prilagodavanje regionalnom konceptu odlaganja otpada, Zavidovići		Grad Zavidovići/Almir Mustafić	Kapitalne investicije	Kandidovan	36 mjeseci	3.000.000,00	DAC 140 - Vodosnabdijevanje i sanitacija, 14050 - Upravljanje otpadom/odlaganje / COFOG 05 - Zaštita životne sredine; 051 - Upravljanje otpadom	Zavidovići	51
7	Toplifkacija Grada Zavidovići, Zavidovići		Grad Zavidovići/Almir Mustafić	Kapitalne investicije	Kandidovan	36 mjeseca	15.000.000,00	DAC 230 - Proizvodnja i snabdijevanje energijom, 23040 -	Zavidovići	50
8	Unutrašnje uređenje kružnog saobraćajnog toka unutar Doma zdravlja Zavidovići, Zavidovići		JU "Dom zdravlja" Zavidovići/Amir Tursić	Kapitalne investicije	Kandidovan	12 mjeseci	100.850,00	DAC 122 - Osnovno	Zavidovići	50

Prijedlog Rang liste predloženih i ocijenjenih investicijskih projektnih ideja za Prijedlog PJI-a 2026.-2028.



Prilog 2: Lista ocijenjenih investicijskih projekata predloženih za PJI za period 2026-2028. godinu kojima je dodijeljeno minimalno 50% bodova u okviru ocjene strateške relev

Red. broj	Naziv projekta/programa	Broj projekta	Podnositelj i kontakt osoba podnosioca	Vrsta i tip projekta/programa	Status projekta/programa	Trajanje projekta/programa	Ukupni troškovi projekta/programa	Klasifikacija projekta po DAC i COFOG nomenklaturi	Lokacija projekta/programa	Ocjena komisije
1	2	3	4	5	6	7	8	9	10	11
1	Izgradnja zatvorenog olimpijskog bazena sa Aquaparkom, Zenica		Grad Zenica/Maša Škrbić	Investicije u socio-ekonomski razvoj/Kapitalni projekat	U implementaciji	24 mjeseca	20.000.000,00	DAC 5 - Ostale usluge i socijalna infrastruktura, 16010 - Socijalne/usluge socijalne zaštite/ COFOG 06 - Stambeni i zajednički poslovi; 061 - Stambeni razvoj odnosi se na rashode i neto izdatke vezane za stambeni razvoj; 0620 - Razvoj zajednice	Zenica	83
2.	Rekonstrukcija sistema grijanja u centralnom objektu JU Dom zdravlja sa stacionarom Olovo		JU Dom zdravlja sa stacionarom Olovo, Olovo/Aida Hadžiabdić	Kapitalne investicije	Kandidovan	36 mjeseci	568.737,00	DAC 410 - Zaštita okoline, 41010 - Okolinska politika i administrativno upravljanje; / COFOG 05 - Zaštita životne sredine, 053 - Smanjenje zagađenosti	Olovo	83
3	Izgradnja infrastrukture u poslovno rekreativno turističkoj zoni - Zenica Jug, Zenica		Grad Zenica/Maša Škrbić	Investicije u socio-ekonomski razvoj	Kandidovan	24 mjeseci	5.000.000,00	DAC 210 - Transport i	Zenica	79


Prijedlog Rang liste investicijskih projekata predloženih za Prijedlog PJIa- 2026.-2028. godine



Prilog 3: Lista ocijenjenih investicijskih projekata predloženih za PJI za period 2026-2028. godinu kojima je dodijeljeno minimalno 70% bodova u okviru ocjene ekonomske

Red. broj	Naziv projekta/programa	Broj projekta	Podnositelj i kontakt osoba podnositelja	Vrsta i tip projekta/programa	Status projekta/programa	Trajanje projekta/programa	Ukupni troškovi projekta/programa	Klasifikacija projekta po DAC i COFOG nomenklaturi	Lokacija projekta/programa	Ocjena komisije
1	2	3	4	5	6	7	8	9	10	11
1	Izgradnja infrastrukture u poslovno rekreativno turističkoj zoni - Zenica Jug, Zenica		Grad Zenica/Maša Škrbić	Investicije u socio-ekonomski razvoj	Kandidovan	24 mjeseci	5.000.000,00	DAC 210 - Transport i skladištenje, 21020 - Cestovni transport / COFOG 04 - Ekonomski poslovi; 045 - Transport; 0451 - Drumski transport	Zenica	38
2	Izgradnja zatvorenog olimpijskog bazena sa Aquaparkom, Zenica		Grad Zenica/Maša Škrbić	Investicije u socio-ekonomski razvoj/Kapitalni projekat	U implementaciji	24 mjeseca	20.000.000,00	DAC 5 - Ostale usluge i	Zenica	36
3.	Rekonstrukcija sistema grijanja u centralnom objektu JU Dom zdravlja sa stacionarom Olovo		JU Dom zdravlja sa stacionarom Olovo, Olovo/Aida Hadžiabdić	Kapitalne investicije	Kandidovan	36 mjeseci	568.737,00	DAC 410 - Zaštita okoline, 41010 - Okolinska politika i administrativno upravljanje; / COFOG 05 - Zaštita životne sredine, 053 - Smanjenje zagađenosti	Olovo	35

Prijedlog Rang liste investicijskih projekata predloženih u Prijedlog PJI -a 2026.-2028. ocijenjenih prema kriteriju ekonomska opravdanost i finansijska održivost



■ Izgradnja infrastrukture u poslovno rekreativno turističkoj zoni - Zenica Jug, Zenica
 ■ Izgradnja zatvorenog olimpijskog bazena sa Aquaparkom, Zenica
 ■ Rekonstrukcija sistema grijanja u centralnom objektu JU Dom zdravlja sa stacionarom Olovo

Prilog 4: Lista ocijenjenih investicijskih projekata predloženih za PJI za period 2026-2028. godinu, koji su ocijenjeni u okviru ocjene pripremljenosti projekta i spremnosti

Red. broj	Naziv projekta/programa	Broj projekta	Podnositelj i kontakt osoba podnosioca	Vrsta i tip projekta/programa	Status projekta/programa	Trajanje projekta/programa	Ukupni troškovi projekta/programa	Klasifikacija projekta po DAC i COFOG nomenklaturi	Lokacija projekta/programa	Ocjena komisije
1	2	3	4	5	6	7	8	9	10	11
1	Izgradnja infrastrukture u poslovno rekreativno turističkoj zoni - Zenica Jug, Zenica		Grad Zenica/Maša Škrbić	Investicije u socio-ekonomski razvoj	Kandidovan	24 mjeseci	5.000.000,00	DAC 210 - Transport i skladištenje, 21020 - Cestovni transport / COFOG 04 - Ekonomski poslovi; 045 Transport; 0451 - Drumski transport	Zenica	35
2.	Rekonstrukcija sistema grijanja u centralnom objektu JU Dom zdravlja sa stacionarom Olovo		JU Dom zdravlja sa stacionarom Olovo, Olovo/Aida Hadžić	Kapitalne investicije	Kandidovan	36 mjeseci	568.737,00	DAC 410 - Zaštita okoline, 41010 - Okolinska politika i administrativno upravljanje; / COFOG 05 - Zaštita životne sredine, 053 - Smanjenje zagađenosti	Olovo	35
3.	Izgradnja zatvorenog olimpijskog bazena sa Aquaparkom, Zenica		Grad Zenica/Maša Škrbić	Investicije u socio-ekonomski razvoj/Kapitalni projekat	U implementaciji	24 mjeseca	20.000.000,00	DAC 5 - Ostale usluge i socijalna infrastruktura, 16010 - Socijalne/usluge socijalne zaštite/ COFOG 06 - Stambeni i zajednički poslovi; 061 - Stambeni razvoj odnosi se na rashode i neto izdatke vezane za stambeni razvoj; 0620 - Razvoj zajednice	Zenica	26

Prijedlog Rang liste investicijskih projekata predloženih za Prijedlog PJI-a 2026.-2028. ocijenjenih prema kriteriju pripremljenost projekta i spremnost implementatora

